

ZONIOU KOZ

DASTUMET GANT "KROAZ AR VRETONED"

451

AR BONOMIK

— Debonjour d'ac'h, bonomik,
 Bonjour d'ac'h a laran, — breman,
 Bonjour d'ac'h a laran ;
 Konje ho merc'h Janedik
 'Ganac'h a c'houlennan, — breman,
 Konje ho merc'h Janedik,
 Da zimi ar bla-man.

— E leal, ma merc'h Janed
 Na zimezo ket c'hoaz — evit c'hoaz,
 Na zimezo ket c'hoaz ;
 Chom 'rey eun daou pe dri bla
 Da roul an ebat c'hoaz — evit c'hoaz.

— C'houi ho po keun, bonomik,
 Bean ma refuzet, — me a gred,
 Bean ma refuzet,
 C'houi deuio d'e ofr d'in-me
 Ha n'he c'hemerin ket — na rin ket...

— Tapet ho sac'h, kloaregik,
 Laket-han war ho skoa — ya da.
 Laket-han war ho skoa,
 Koulz eo d'ac'h hen kaout breman
 'Vel hen kavout da vla — ya da !

A-benn eun eiz de goude,
 Janed 'zo chomet klanv — ya klanv,
 Janed 'zo chomet klanv,
 Ma komans ar bonomik
 Dont da 'n em chagrinan — han ! han !

— 2 —

— Debonjour d'ac'h, kloaregik,
 Bonjour d'ac'h a laran, — breman,
 Bonjour d'ac'h a laran :
 Aboue ma oc'h bet du-man
 Janed 'zo chomet klanv, — oh ! ya klanv.

— Laret 'm oa d'ac'h, bonomik,
 Ho pije ma c'hasket, — hag abred,
 Ho pije ma c'hasket,
 E teujec'h d'he ofr d'in-me
 Ha n'he c'hemerjen ket, — na rin ket.

Daled ho sac'h, bonomik,
 Laket-han war ho skoa, — ho ! ya da
 Laket-han war ho skoa ;
 Koulz eo d'ac'h hen kaout breman
 Vel hen kavout da vla — ho ! ya da !

(Roet ha kanet da *Groaz ar Vretoned*
 gant an Otro Guillou, person Plourac'h)

AR PRIED KARANTEZUS

Me am euz bet eur pried, ma c'homer,
 Me am euz bet eur pried,
 Hag a zo gantan êzet, ma c'homer,
 Hag a zo gantan êzet.

Sevel 'ra bemde mintin mad,
 Mont d'ar c'havel da luskellad.

Kerzet diarc'hen war an ti,
 Gant aon d'am dihuni.

Goro ra 'r zaout, o c'has da vêz,
 Hag ober zouben gant o leaz.

Kalz a diferans a zo
 Etre leaz-ribot ha leaz-trô.